

# АССАЛАМ

www.assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 5 (77) май 2008-шин / ККАЗИТ БУККАЙССАР ЗУРУЙ ЦАЛ / джумад-уль-аввал 1429 г. Багъа 15 къ.

## ИСЛАМРАЛ АЪЛИМТУРАЯТУ

### Инсантураву ххуйми идавсталли ва миннал хъирив нанимири

Щайх Сайпуллагъ-къадинан (къ.с.) хас дурсса элмийсса конференциялий Дагъусттаннал муфтий АхІмад-хІажи Абдулаевулл бувсса ихтиллат.

#### Аллагънал цанищал рахІму-цимилийсса.

Ассаламу аьлайкум!

Ссал пикрирдай урив, ссал буруккиттарай урив, ссал хияллай ва ссачан клунклутий урив инсан – мукунсса шайссар цувагу. Инсан увайссар ялагу мунал хІурмат бусса дустурал. Агана лагма-ялттуми мунавун исламрахсса ччаву рутлай бакъахъурча, мукунминная махъаллил хъун аьркинссар. Ххуйсса гъалмахтал мукунмири, цала дустал, лагма-ялттуми жува Ляхъан бувманачан гъан буллалими.

Ялувманал ляхъан бувцириннавату яла ххуймири идавсталли ва миннал тарап дургъумири, идавстурал хъирив наними дин марціну дачин дурсса, Аллагъначан гъан айсса ххуллу бувгъусса, му



Ас-Салам-фото

ххуллийх нанисса муршидталли. Щайхтурал мусил ккуран – жува КІаначан гъан буллалисса клулшивурттал ххазинар. Му клулшивурттал щаращя нахІала бан къисмат хъумагу алши бумари. Так муршидтуращал уртакъну, миннал чІарав, миннащал архІал ва ххуллу-ххуттай бавціунур гъармудан дакІниву Аллагъу-Тааьланайн лабизлай оьрму бутан хъунтиссагу. >>2

## ИДАВСТУРАЛ ОЪРМУРДАЯ

### МухІаммад Идавсил оьрмулиятусса суаллу

(Дайдихъу апрель зуруймур номерданий)



– Циванни аьрабнал цала оьрчІан ккукку булултну гъамин бедуиннал агъулданул хъами язи бугъайсса бивкІсса?

– Аьрабнал, шагъурдай хъуни хъуми оьрчІру заевсса бикІайссар тІий, бедуиннал агъулданул хъами бугъайсса бивкІссар цала оьрчІру хъуни буллан. >>5

### Барча баву

Дагъусттаннал бусурманнал РувхІанийсса идаралул цІаниятугу, хасну ттула цІаниятугу дакІнихтуну барча буллай ура Буттал кланттул цІанийсса хъундьявилул ветерантал Ххувшаврил Къинилушчал.

Щалла дунияллий фашизмалул ххяппа дизан къабитавриву ва дакъаву дуруччавриву зу бюхттулсса бутІа бивхъуссар. Дьявилул майданная зана къавхъуциринна аьпа баннав. Та дьявилила мачча-гъанцири зана къавхъуминнащал архІал къурчІишиву кІидачІлай ура.

Идавсил ✽ хІадисраву увкуну бур: «Ватандалухсса ччаву – имандалул дачир». Немецнал чапхунчитуращалсса дьявилулу чІявусса бусурман ливтІуссар, тай вирттаврал аьпа къиматрай буссар. ХІакъинусса дакъаврихлуну тай вирттаврэн буржлувссару жува.

Дуруччинав Аллагъу-Тааьланал аьрщарай дакъаву ва тачІав тикрал къахъуннав тукунсса трагедия!

АхІмад-хІажи АБДУЛАЕВ,  
Дагъусттаннал муфтий

## ЦИУССА ЛУТТИРАДУ

### Бусурман хъаннин мюнпатрансса

А оьзу биллагъи мина щайтІани рражим. Бисмиллагъи ррахІмани ррахІм.

Дунияллул агъалийнаву Ислам къамул дурми чІяву хъанай бур. Инсантал луглай бур хІакъмуних, рувхІанийшиврух, дакІ паракъат данмуних, цалагу тІабиаьтралгу дакъаврих. Исламращал клул хъусса инсантуран лякълай дур луглагимур

Исламрал марцішиврул, рувхІанийшиврул, куртІшиврул, ца акъа цама акъасса Аллагънайн икрам баврил ххуйшиврул, инсантал махІаттал буллай бур, Исламрал ххуллх нани буллай бур.

МухІаммад Идавсил ✽ умматраву агъамсса клану бугълай бур хъаннил. Ва цІанасса захІматсса дунияллий, хъамигу бур дуручІлай Ислам.

Уттигъанну итабавкъусса, «Аллагънайн щукру бувмур, ягу иблислуйн мютІий хъумур?» тІисса луттираву ПатІимат ХІамзатова буслай бур ттизаманнул бусурман хъанния. Лавайсса пагъумгунар ххисса журналист, ва луттираву буслай бур бусурман хъаннийсса буржирдая, гайннихъсса ихтиярда, гай Аллагъная нигъа бусаврия.

Хъами ва кулпат, хъами ва оьрчІру, хъами ва жямат, хъами ва дин ... Вай бакъасса, цаймигу хъаннил оьрмулувусса ишру ххал бигълай бур луттираву. Ва лу хъинну лякъинссар цала оьрму исламращал бавхІусса, Къуръан ва Сунна ххирасса, Аллагънал ххуллх нанисса хъаннин.



ХІамзатова ПатІиматлун хъунмасса барчаллагъ укунсса, хъаннин хъинну аьркинсса лу итабавкъусса, ваниву дур чІявусса суаллансса жавабру.

Умудрай буру, ПатІиматлул итабакъинссар тІий, цаймигу, хъами ххари бансса луттирду. иншаАллагъ! ТІайлабаціу баннав цин, Аллагънал ка бакъиннав!

Лакрал хъаннингу аьркин хъуншиврул, жу шаймур банну ва лу таржума бан лакку мазрайн. иншаАллагъ!

Гъумаюн КАЛЛАЕВА

## Ва номерданий:

### 3 ЩАЙХНАЛ ОЪРМУЛИЯ


#### Сайпуллагъ-къади (къ.с.) тІайла уккаву

Сайпуллагъ-къадинал цІанийсса мизитрал имам С. Къурбановлул бувсса ихтиллат



### 5 ИСЛАМ ВА ЭЛМУ

#### Диндалул ва элмулул дахІаву



### 7 АЪРАЙГУ — АЛЛАГЪ ДАКІНИЙНУ

#### Аьрай ливтІуцириннал аьпа баннав, уттаваминнахъхъун цІуллушиву дулуннав



### 8 АБИТУРИЕНТ — 08

#### Дуклан буххан ччинан



## ИСЛАМРАЛ АЪЛИМТУРАЯТУ

Инсантураву ххуйми идавсталли  
ва миннал хъирив нанимири

1 « Так мукуни хлаксса муь-минтурал оьрму бутайсса.

Сайпуллагь-къади Башларов – ца яла цадуркмари ва хъьичунмари суфийтурал шайхтураву. Хлакынусса конференциягу му жяматран хлакынусса дакнийн утлатисса даву дакъар: мукунуса инсантал жува тачлававу хъама битлан къабучиссар. Сайпуллагь-къади даражалийсса шайхтал хъамабитала хъанахъисса къинигу дучантисса так Ислам дунияллий духлагарчанни.

Конференциялул гъанумур мурад-рив накшубанди ва шазали тари-къатирттал хъунасса устгаз цукунуса личност ивкиссарив агъалинан дакнийн бутавури. Ттула цаниятугу, бусурманнал Рувханийсса идаралул цаниятугу барчаллагь тий ура ва конференциялий гурттушинна дурсса гъарцагу инсаннахъ. Уку-укунсса мажлисирттайн бувкцириннахъ учару жува: «Аллагъу-Таабаланал зу лавс-сса гъарца ша Алжаннул къапурда-чан гъан буллалисса хъуннав куну».

Ттунгу хлакьину ва конференциялийн бувкминнангу чла учин ччива дулла дунияллул оьрмулува яла хъинмур ва абадул абадлиймур оьрмулувагу хълумуд бумур.

Ттул шикку диндалул вакилтал бакъассагу, властьрал органнал ва светский жяматрал ваилталгу чла-лай бур. Му хъинну тйайлассар, мукун биклангу аьркинссар, Сайпуллагь-къади Дагъусттаннал политикалул оьрмулуву чялишну гуртту хъанай ивкима унавхъур.

Гъамин мунал аькьлу бушиврул ва му политикалул иширттаву буюхъу буну хлала уххаврилли Дагъусттаннай чявусса оь эки гъансса личлан був-сса мунал хларачатралли Исламрал чявусса аьлимтал ябан, буруччин бюв-хъусса ва хлакынусса къининийн, коммунисттурал къадагъалул заманнай-гу духлаган къариртун, исламрал дин ядурсса.

Хлурмат хъунмасса шайх Сайпуллагь-къадинал увкуссар, цайми хлала къабувххунува большевикту-

рал цала цивпа къатл бантиссар куну. Иншааллагь, шайхтал къаххи-раминнал ва Идавсил хъирив наниминнайн къарши буклакминналгур цала цивпа бухлаган бувантисса ва буллалисса, Шайх Сайпуллагь-къади Ухсавнил Кавказуллал цалчинма муфтийну зий ивкима унавхъур, нава-гу мунал даву гихуннай дачин дурс-са инсан ухъукун, му дахлаврицун бавхлуну ттун ччива зухъ буккин мунал Хласан-апаннайнсса аманатрал парча; «На вийн аманат буллаи ура Къуръаналул ва Сунналул тимуния хлур мауккара тий. Мукуна аманат буллаи ура хлафизтурал муридтурал хлурмат буну иклу тий. Даки марцину иклу, цими бусса, алвагъсса, уссур-вавран гъалатру багъишла байсса, хъуними ва мюрщими хъиншиврий тйайласса ххулийн буцлацисса, тйай-ламунил чул бувгуну иклу. Цайнна вихшала думи къакъабитайссар Аллагъу-Таабаланал.

Инава шиярчав ххуйсса ххай маиклара, вина инава ушивувагу хи-

ХИРАМИС

Диндалул  
инсантал  
къалиттайссар,  
ми ца дунияллия  
гамунийн  
лагайссар

сав мауларда ва даки мяшну виятува бурушинтту буллалиманахгу къулагъас мадувара...»

Гъарица заманнай гъаманки суфийталли Къуръандалул ва Сунналул тимуний къанкъану бавцумий, аьсрур-дая аьсрурдайн дакъавурттайну биклу, талатавурттайну биклу Исламрал ттугъ лавсуну наними. Суфийтурал гъар чуннардий бивкиссар чявусса дустан ва гъай-гъай, тамансса къадусталгу. Амма цукунчавсса дайшишурдах ва захиматшивурттах къабурвгун, суфизм исламрал къюкуну диркиссар ва диклантиссар.

Му къюк зузиссаксса щичачав ва ссачачав Ислам дунияллий ппив хъанахъаврицун бахчин къахъунтиссар.

Гъармунил бияла, каша-къудрат хъунасса Аллагнахъри.

Конференциялий гурттушинна дурна Аьрасатнал регионнаясса диндалул ва жяматрал, политикалул вакилтурал.

Конференциялул заседание дай-дирхъуна Къуръандалул аятру ва дуарду дуккаврийну. Хъьичимахъ лавхъуна Дагъусттанал муфтий Ахлмад-хлажи Аьбдулаевлул.

«Яла язими идавсталли ва миннал хъирив нанимири» тисса докладраву мунал кици лавгуна исламрал элмулул тарихраву хъьичунуса клану бугъла-гышиву.

Конференциялийн бавтцири барча буллалисса ихтилатру бувна Аьрасатнал Федерациялул виваллил политикалул управлениялул хъуна-ма маслихатчи Алексей Гришиннул, республикалул Президентнал цанияту халкъуннал мажлисрал председатель Махлмаммад Сулеймановлул. Мукунма барча буллалисса телеграм-ма дия Махлчкъалалал мэр Саид Амировлул. Аьрасатнал муфтийтурал Советрал председатель Равиль Гайнутдиннул цаниятуса махъ лав-хъуна Москвауллал исламрал университетрал ректор Марат Муртазиннул, Аьрасатнал ЦДУМ-рал председатель Талхлат Тажуттиннул цанияту – Астраханнал областьрал муфтий Назимбаг Ильясовлул.

Конференциялий гурттушинна дурна мукунма Ухсавнил Кавказуллал бусурманнал Координационный центрданул председатель, муфтий Исмаил Бердиевлул, Чачаннал республикалул аьлимтурал Советрал председатель Хож-Ахлмад Кадыровлул, Чувашиянал муфтий Альбир-хазрат Кргановлул, Нижегородскаллал областьрал муфтий Умар-хазрат Идрисовлул, мува Нижегородскаллал областьрал ДУМ-рал аппаратрай каялушиву дуллалисса Дамир-хазрат Мухетдиновлул, Къазаннайсса Аьрасатнал исламрал университет-

Шайх Сайпуллагь-Къадинан (къ.с.)  
хас дурсса элмулул конференция

Апрель зурул 25-нийн Махлчкъалалив хъунни Дагъусттаннал бусурманнал рувханийсса идаралул, Исламрал клулшиву дулаврил ва элмулул Ухсавнил Кавказуллал университетрал центрданул, мама-Дибир аль-Рочил цанийсса Теологиялул ва религиоведениялул институтрал, РАН ДНЦ-лул Мазрал, литературалул ва магьирлугърал институтрал уртакъну хладур дурсса шалва Аьрасатнал лагрулийсса элмийсса конференция. Мунил тема дня: «Цадурксса аьлимчу-богослов, Накшубанди, Цазали ва Къадири тарикиятирттал шайх Сайпуллагь-къади Башларовлул оьрму ва мунал рувханийсса ирс-ххазина».



Алексей Гришин



Марат Муртазин



Бахшишу дуллаи

рал ректор Рафик Мухаметшиннул ва мукунма цаймигу цанихсса инсанту-рал.

Заседаниялий «Сайпуллагь-къади-нал диндалул ва элмулул ирс-ххазина ва халкъ рувханийну чантл учин баври-ву миннул бияла» тисса доклад бувна Махлчкъалалал Хъунмур жумья-мизитрал имам Мухлмаммадрасул-хлажи Саадуевлул, Чирклайнал исламрал

институтрал ректор Аьбдулла-хлажи Ацаевлул бувна доклад, «Тарикият, мунил агъамшиву ва му ппив шав-рил тарих» тисса, профессор Михаил Вагъабовлул бувна Дагъусттаннай суфизм машгъур хъанахъаврил тема-луясса доклад.

Мукунма ихтилал бувна къатлал-лил билаятирттайсса дагъусттан-нал аьлимтурал тарих лахълахъисса,

лаевлул, хлакынусса къини хъинну агъамшиву дусса конференциялий гурттушина даврихлу цинявпахъ барчаллагъ увкуна.

Заседаниеллулмул даву къуртал шайхту, конференциялул гихуннаймул даву секциярттай хъуна.

Ссят 18.00-нийн хъуна конференция-лул хласиллу дуллалисса пресс-конфе-ренция.

ЩАЙХНАЛ ОЪРМУЛИЯ

# Сайпуллагъ-къади (къ.с.) тġайла уккаву

## Сайпуллагъ-къадинал (къ.с.) цġанийсса мизитрал имам Сиражуттин Къурбановлул бувсса ихтилат

Сентябрь зуруй 1888шинал Къазаннай хъусса совещаний Татарнал хъунасса предприниматель Ибрагъим Юнусовлул тавякъю бувссар Сайпуллагъ-къадилахъ, вила оърмулия, кулпатрая балжийну буси увкуну. На Сайпуллагъ-къадинал цġанийсса мизитрал имамну зузисса инсан ухъукун, ттухъу Сайпуллагъ-къадинал оърмулул хġалкъазия, щарсса дуцавил хġакъираву цġулан бикġай. Инсаннал, хаснува хъунасса щайхнал оърму щаллуну лавхъхъуну хъинну бухъукун, ттуңгу ва конференциялий гъамин му чулухунмаймур

къадинал бувсун бур цала рувхġанийсса уссихъ, щайх Хасан Кахибскийхъ 1916шинал, Къазаннайсса Ссивирлия мура-хас хъуну увкġун махъ. Му ихтилат шайний чġарав ивкġун ур арс Аслан-Хġусайнгу).

Вайнна совещаниялийминнахъ Сайпуллагъ-къадинал бувсмур:

1877 шинал му хġадур хъанай ивкġун ур щар дуцин, шярваллил агълу хъярчирдай бивкġун бур дуккавриха чġун къахъанай щар дуцин чġал хъунна ина тġий. Буцай душнин цġа диркġун дур Аят. Амма 1877 шиналсса бунт сававну мунацца щар

ну бунува, гъар мудан мунацца архġал кġира-шанна щарсса укуннагу дġкġайнува. Нарив 9 шин дав ссивир увма хġисаврай Саратоврай, Шариатрайн буну на цал дуцав щарсса, му дурагу авадансса дакъая, нагу ссивир увманал даражалий къаивкġра. Дагъусттаннайн зана хъуну нанини на Сайраннун къабитав къаттакъуш, цимурца. На ласав анжагъ ттуна ххуллий аъркин хъунмур, мукунма луттирду, медициналул инструментру ва оборудование. Аллагънал кабақырча, иншааллагъ, на учġанна Саратоврайн ттула кулпатрацал, Аятлуцал, му цила ссийщал Сайраннуцал кġул бунаншиврл. Шариатрайн буну на Сайраннун цġа къарунав, муни къарувтуну чġай бухъукун, му ттул щарссану личġлачġиссар.

Щайх Мухġаммад-Закир Чистави хъунасса психолог акъагу, куртġисса инсан ивкġиссар. Мукъва-ххюва махъ ккуну мунал совещаниялийми таза букан бувссар. Мунал увкуссар: жу цахъис гъав лавгссияв, кġива ссу Сайран ва Аят куння-ку ябуцан буллай къаххуйсса иш хъанай бурхха тġий, Сайпуллагъ-къади-нал Кахибский Хġасаннухъ бувсмунийн буну, Мухġаммад-Закирдул махъру баяхту совещаниялийцири таза бувкġун бур. Му совещаниялия мукъах хъунисса хġурматирттацал тġайла увкġун ур щайх Дагъусттаннайн. Шиккува кġицġ лаган, татарнал миллионертурал, уссурвал Юнусовхъал хъатлунсса бахшиш хġисаврай мукун чġаруасса арцуцал тġайла увкġиссар Сайпуллагъ-къади Дагъусттаннайн, ми арцу дġял хъуссар Аятлун ссайгъатру ласунгу, хъинсса хъатġи бангу, цува ссивирлия цġуллу-сагъну зана шаврил савлугъран Ницġавкġрав цадакъа бачġингу.

Аятлуя хъуссар Сайпуллагъ-къадинал оърмулул дус, дакġ тġайласса кулпат ва щайхнал оърчġал нину, Аятлул бувссар шанма оърчġ: ца душ ва кġия арс. Хъунмур бивкġиссар душ, цġа – Зубайдат. Хъунама арсанн цġа диркġиссар Аслан-Хġусайн, Ницġавкġрав мунайн кутġану Хġусайн чай-сса бивкġиссар. Чивима арсанн цġа диркġиссар Хġажи-Абакар. Сайпуллагъ-къади-нал оърчġал къадар къурчġисса хъуссар. Бюхъай Аллагу-Тааъала щайхнал ссавурданул ва хġилл дѡцин дуллай ивкġун икġан. Зубайдат цакуну аъпалул хъуссар 16 шинаву. Хġажи-Абакардул ххаллилну къуртал бувссар Темир-хан Щурагъиял реальное училище ва Петербургуллар горный институтравун уххан хġяллай ивкġиссар. Цалчинмур Дунияллул дѡвѡи нанисса оълуркъусса чġун дунавхъур, буттал маслихġатрайн буну мунал хġукму бувсар Къазаннал мединститутравун дуклан уххан, буттал дустурал, диндалул уссурваврал аякъалуву икġаншиврл.

Амма кġулбакъа бала ялун бивну бяливчġиссар мунал оърму. 1916 шинал гъенттул буттал шяравун аълтту уккан увкġисса мунацца хаварсизну цацава цай-нма ттупанг щуссар, бивкġуллул ххяпурттаца му ххассар уван къавхъуссар.

Хъунама арс Аслан-Хġусайнма дуклай ивкġиссар Ссугърацġиял сийлийсса мадрасалуву. Итххяхъсса выпускник хġисаврай му миккува муавллимну зий ивкġиссар ца шиная. Яла 1926 шиналнин, мадраса лакъиннин зий ивкġиссар Къукуннал мадрасалуву.

ХІАМІС

Аллагънал цġанийну кġюлтġ куска мукъуяр ххуйсса хġачġия дакъассар.

### ЦІУССА ХАВАРДУ

#### Англия бусурман билаят хъунтġиссар




2035-ку шиналнин Великобританиянал бусурман агълу (миннавун багълагъиссар супийтал) цġияв ххачпараснаяр гъарза хъунтġиссар тġий, баян бунни хъиривляявурттудурсса Christian Research тġисса идалул. Мунил бусав-

рийн буну, Британнал жазирардай ялу-ялун гъарза хъанай бур бусурман агълу. 2000 шинал Британиянаву бивкġхъурча 620 азара бусурман агъулданул инсантал, 2005 шинал бивкġун бур – 750 азара. Социологтурал прогно-зирттайн буну, цġияв конфессиярдал ххачпарас бикġантġий бур ца зувира шиная 1 миллион ва 63 азара инсан, бусурман диндалул агълу тġурча 1 миллион ва 96 азара инсан.

Гъарца нюжмар кġини англиянал мизитру ккуччу тġий халкъунал буну-цġуну бикġайсса бур, миннавух чġавусса жагъилмигу.

#### Исламрал виричу Бейбарслуясса кино



2008шинал «Оскар» премия ласун цġа рир-щусса «Монгол» тġисса кинорал режиссер ва сценарист Сергей Бодров – хъуна-ма хġадур хъанай усса ур исламрал дунияллий цġаларг-сса виричу Султан Бейбарслуятуса кино. Му щалла дунияллул лагрулийсса, хъунмасса бюджет бусса проект бур.

«Ттуву исламрал дунияллия кино хġадур дуван чġисса гъира бур, – тġий ур режиссер. – Му диндалия тġайлану дунияллулхъ бусаншиврл»

Кинорал сюжет дур Юлий Цезарьдул, Александр Македонскийл ва Чингисханнал цġардацал ца ххуттай ккаккайсса гъунар бусса талаталал, исламрал дунияллул багъадурал Султан Бейбарслул оърмулуцġун дар-хġисса.

Гъаманки муналли мангъл бусурманнал аърщарай чапхунну дулла-лаврия байщун бувсса, муналли Франциянал паччахġ ясирну увгъусса. Исламрал дакġ тġайласса чġарахацġу Бейбарслул аъкъулийну ва чувшиврлийнур Египет, Сирия, Иракъ, Палестина, Иордания цацġун бунан бювхъусса.

Я аърасатнал, я дунияллул кинема-тографраву дакъассия уттинин ислам-рал цивилизациялия укун балжийну бусласисса кинофильм.



оърмулух къулагъас дуван ччан бивкġуна. Материал датġин ттуң кумаг бунни ДУМД-рал просвещениялул отделданий калялу-шиву дуллалисса Султġанмахġаммадов Мухġаммадвакиллул ва Теологиялул институтрал ректор Садыков Макъсуд-хġажинал, Сайпуллагъ-къадинал биография лахълахъисса автортурал группай калялушиву дуллалиминнал. Миннан цġиявннан барчаллагъ дакġнихтунусса.

Гъаннайсса, Сайпуллагъ-къади хġадур хъанай ивкġиссар щар дуцин 1877 шинал ссуттил. Хъатġи булла хъхъичġа мунал буцай душнийн кġисса лавххун бивкġиссар. Таний мукунсса аъдат диркġиссар тамансса лакрал шярваллаву. Амма 1877 шинал Дагъусттаннай хъуссар чġавусса оь эки бутġисса восстание. Му восстание рахġму бакъа ккуччу дурссар, бунтравух гъуртту хъуминнан цġакъсса танмихġру бувссар: Лорис-Меликовлул амрулийн буну суд-диван къабунува так Ссугърацġиял майданнив бивтун бивчуссар восстаниялувух гъуртту хъусса 300 инсан, ссивир бунминнал аъдадрив хġакъинусса кġинигума мяълум дан дурассар. Дакġ дарцġуну ура тай ссивир буну гъан бувсса инсантурал наслу ва цġанакулсса конференциялийгума буши-ву.

Хġасил, ттуца къахъунссар щаллуну бусан щайх Сайпуллагъ-къадинал щар дуцавил оърмулул хġакъираву. На бусанна анжагъ щайх цукунсса инсан ивкġиссарив чġалачġи буллаисса яргъсса иширая. Оърмулул му чулгу личġи буллан къабучġиссар диндалул, жяматрал иширттаву чġаишмур оърмулия. Укунсса хъхъичġмукъл хъирив дакġнийн бутанну, вила оърмулия буси учайхту цукунсса жаваб дуллуну дузив Сайпуллагъ-къади-нал татарнал миллионер Ибрагъим Юнусовлухъхъун Къазаннайсса совещаниялий.

(Справка: ва ишираяту Сайпуллагъ-

дуцин къавхъуну бур, шариатрайн буну магъар бивхъуну бунугу. Сайпуллагъ-къади ссивирлив тġайла уклакини Аятлул увкуну бур мунахъ, агана инава дуснакъ-лувну уссаксса винма ка-кумаг буллан кунмасса хъамитайпа бакрайн багъарча, му винма щарну буца, вилгу кġира щарсса дġкġанссар, ттуңгу муния ссу хъунссар, куну.

Саратоврайн нани ххуллий мунайн бакрайн дагъну дур цащарну ливчġисса татар щарсса, му Сайпуллагъ-къади-нан лазилавкъуну, хġакъсса бусурманчу куна икġан ка-кумаг буллай диркġун дур. «Марцġиву – имандалул дачġир» – тġий бур хġадисраву. Магъаргу бивхъуну Сайпуллагъ-къадинал бувцуну бур цанма Сайран (ва татар щарссанай цġар). Гукунсса хъамитайпалул дакġ гъ-гъан дан къабучġир тġий Сайпуллагъ-къади-нал ганихъ цащала Дагъусттаннайн бачу увкуну бур. Цġуллу-сагъшиврул заэв-сса Сайран ххуллийхъсса захġматшивуртту духġан къахъунссар тġий ва яла-яла Дагъусттаннал зунттал гъаварая нигъачġий бивкġун бур. Сайпуллагъ-къади-на хъгу, ина ттул ссил Аятлул дакġнийн щун къабан шавай зана хъун аъркинссара тġий бивкġун бур. Укунсса хавар бусла-сисса Сайпуллагъ-къадиан хġисав хъуну бур диндалул уссурваврал симанну гъав лагайсса. Мунал цġувххуну бур миннахъ: циваннивав ттул диндалул уссурваврал симанну гъав лагайсса, юхсса зу бурув Шариатрайн буну на татарщарсса дуцин къабагъайссия тġий?

Ацġиня мукъилчинмур аъсрулул машачинал, аърабал путешественникнал, дачġи дуниял ккуччу дурсса, аърххи-ххуллурдай урчġуйла ягу ацġиня цалла щар дурцусса Абу Мухġаммад ибн Абдаллагълуяту (Ибн Баттута) ихтилат нанисса совещаниялий зул симанну гъав ларгун дакъая. Хġатта мунал ми шариатрайн буну бувцуссарив къакул-

## ДИНДАЛУ ХЪАМИ

# Кіра уздансса ккурааннал дахІаву

Сагьират ССУНГЪУРОВА

Ттун «Муслимат» тисса обществалия хъхъичІагу бавссия, амма цалагу кіа идаралувун бувххун бакъаяв. ЦУМ-рал чІарав дунугу, чув дуссарив къакуллссия. Мартрал ахирданий «Дараччи» клубрай каялувшиву дуллалисса Мариян Илиясовал бувсуна кіиву цала обществалул хъаннил мавлуд дан хІукму хъушиврия.

Тайламур бусан, «Муслиматравун» буххайхту, ттун нава цамур дуняллийн багъсса ххивав. Марцішиву, хІалимшиву, аъжаивсса хъншиву, дакІурдил аваданшиву гъаваллаура асар хъанай дия. Лаххия ва хІурмат ккавкुकун, къатІувсса чапуршиву, аълагуъжасса шагъру, тІайладакъашивурттал дурцІусса дунял архсса кѳирилий лирчІуна.

ДакІгу циваннив жагъ ххари хъанай, жагъгу ссахрив луглай диркІуна. Ва мавлуд дия «Дараччи» клубрал сакин дурну. Махъ бакъар, хъинну лахъсса даражалий лагу-ларгуна. ЧІявусса агъали бия, амма цуя-ца рязи акъасса акъая. Циняв исламрал зумувну ларххун бувкІун, мавлуд ккалакминнацІун базлай, гайннах вичилий бия. Цалчин мавлуд дурккуна «Муслиматрал» студентахъал. Вайннал нашидру личіи-личіисса мазурдий увкуна. Оьрус мазрай, ярусаннал, даргиял, кьумукънал. Лакку мазрай хъинну бюххансса чІуний тІун бикІайхту, ца жагъилсса душ циняв «Дараччул» хъаннин ва бувкІсса лакран пахру хъухъунссия. Къуртал хъуну махъ та душнийн хъямала багълай, барча булла бия. ТІайлар, бюхъайва ва мавлудрай кказитрай къачивчунагу личІан, цанчирча «Дараччул» цикссагу ххуй-ххуйсса, уздансса давурттив гъармудангу дулла бур, амма на дакІнихтуну барчаллагърай бура Мариян Илиясовайн та кѳини ттуйнагу оьвкуну тІий. Тукун ххуйсса инсантурацІалгу кІул бувну тІий.

Мавлудраву гьуртту хъуна чІявусса шагърулул жяматран кІулсса Багун-хІажи ва ХІалимат-хІажи. Вайннал лакку мазрай дурккуна.

Яла авадансса дуки-хІачІиялуцІалсса столлугу, мавлудирттал цадакъардугу хІадур бувну бия. «Муслимат» обществалий каялувшиву дуллалисса Ххадиджат-хІажи Шихалиева «Дараччуйн» дакІнихтунусса барчаллагърай бия. Ванил бувкІцириннаха зукълугу бувну ва мавлудгу кьамулсса хъуннав тІий чІа увкуна. Ваницал хъусса гъалгъалия чансса ялавай чичинна. Мариян ЧіибиевнацІал ва Ххадиджат ХІасановнацІал цала дянивсса дахІавурттая бусласисса ихтилатругу бувссия.

### Мариян Илиясова:

– Ххадиджат ХІасановна жучІан кіра-шанна шинал хъхъичІ бувкІуна. Ванил бувсуна цила обществалулу хъинну чансса лак бушиврия.

Ва бия ччарчан районнайн гъанну, ччарчан цайми давурттив данну, хІалагьуртту хъунну тІий. Жу мунияр махъ цимилгу хъунабавкьуру. Уттигъанну ца мавлудрай бакІрайн багъунну. ЦІуххубусу бувссия ссайн бивру, ци аьркинсса дур, жуцава шайсса кумаг банну

увкуну. Ганил бувсуна ва мавлудрал барз бушиврия. Ттунгу тикку мавлуд дан дакІнийн багъуна. Жула душругу рязи хъуна. Цуксса ччарчангу, гъарнаца шарда дан къабюхъайхха. КъатІул шартІру цакуцсса дакъархха, циняв ччиминнайну оьвкуну мавлудру даншиврул. Циняв «Дараччул» душрухъаннил цадакъа бунни. Гъарца аьркинмунил хъирив занай ттуцІал Светлана Шабанова ва Гулишан Хасаева буссия. Жу ялагу ХхадиджатлуцІал хъунабавкьуру мавлуд даннин маслихІат ккаккан, столлу цукун хІадур бан бузив, ци ласун дурив ххал дан.

Гъаксса ххуйну хъунни. Рязину бура. Шаппай оьвтІий, ххуй дирзшиву буслай бия. Му та даврин яла хъунмамур багъархха. Личіишиву цѳири тикку ци миллатрал душру бивкІхурчангу. Жува циняв ца аьрщарайх занай ва ца ссавнил лув ялапар хъанай бакъарув? Жува дакІнихтуну дуллалимур, оьккимунил хъхъичІун дагъну жула оьрчІру, мачча-гъанми буруччинав.

Тукунсса идаралувун лакку душру занарчангу цичІав зарал бакъархха, так хайр бур. ЖуцІал буссия ислам кьамул дурсса оьрус душ, жула «Дараччул» член Анисат (Наталя) Юсуповагу.

Уттиния тинмайгу «МуслиматрацІалсса» дахІаву цІакъ дуллан тІий буру, гъарца дуллалисса давриву бюхълахъисса кьа чІараву бацІантІиссару. Ва мавлуд миллатран ххуймур, буллугъшиву, ссавур, хъншивуртту, хъхъичІуннайшивуртту чІатІий дуварду.

### Ххадиджат Шихалиева:

– Жул общество дуссар 1995 шиная шиннай зий. Ва даву дулла бивхъура на ттулва ялун бала бивну махъ. Цибанссар, Аллагънан мукун ччай бухъунссия. Жула талихІ бувчІай, жува муницІа хъуну махъ. Та чІумал исламрал ххуллийн къабувкссания на цІана сагъну къабиканссияв. Щукру Аллагънайн, нава тІайласса аьрххилийн бувтун тІий. Ттуца ттулвамур талихІ исламраву лякѳин бювхъунни. Ттун ттула ца акъа-акъасса арснацІагу хъуну, я ппу, я лас, я уссу чІарав акъаний щалла дунял духларгуна. Шайсса ургъил цайми оьрчІаха буллан бивкІра, вай ттуцІава дуклакисса душру ттун ттулва лякълул оьрчІруну чІалай бур. Вайннайр ххирассагу цичІав дакъар. Шикку жучІа ятинсса, я нину, я ппу акъасса, мискинсса бур чІявуми. Вайннан жучІава кулпат лякълухъаву жул хъунмасса талихІри. Ттун, АлхІамдуллилагъ, уттигу цанниварагу дакІгу кьадурккунни. Шиккун бучІай арулуния – аруцІалуннийн бияннинсса душру – хъами. Дуклай буссар кІюрххилсса сменалий ва ахттая махъ. ХІакъину инсан учІарчангу кьамул ан хІадурну буссару. БикІуча му бува-

гу исламрая кьакуллсса душ, амма кІул бан гъира бусса. Жу жува му тарбия банну. Мунин кІулшиву дулуну. КъатІуву бусурман душнил, зунттал душнил зана-кьулушин лахъхъин данну. ХІакъинусса кѳини хъамитайпа щаллусса кѳинирдай къатІув зий бур оьрчІру ччаннай бацІан баншиврул. Амма чуври мунин ми тарбия буллансса чІун ляхълантІисса? Щаллусса кѳини зийгу бивкІун, ччаннай бацІан кьахъанай бувкІукун, чари муницІа оьрчІансса кьулагъас дуллансса гуж ляхълантІисса? Муна мукунни яла жула душварангу зунттал аьдатругу хъамариртун, зунттал душнил узданшиврия-



гу арх буцІацІисса. Жул яла хъунмамур мурад, увкІсса инсан зана кьаитагур. Ганаву чансса духъурчангу иман гъаз даву. ОьрчІру мюрщиния шинмайрихха бусурман зумувну тарбия буллан аьркинсса. Яла ми цІунил баххана буллан бюхълай бакъар, миннан диндалул хъншиву дурчІин дан хъинну захІмат хъанай бур. Диндалуву цуппацІагу оьккисса зат бакъар. Бувмургу жунма хъинсса. Жула марцішиврун, цІуллуцІакъшиврун аьркинсса, жува мурахасну бикансса. На хъинну ххари шара чІаравсса ясли-сад «Сафинатравун» бувххукун. Тиккусса оьрчІру малаиктал кунма чІалан бикІай. Тай занан лавхъхъуния махъ дуаьрду лахълай, диндалиа кІулшивуртту ласлай бур.

ЖучІа 19 дарс лахълай буссар. Дин, чак, кьуръан, аьраб маз, каллиграфия кьахІисавну дуруххаврил даву, психология, медицина, дукра даву, информатика, этика ва исламрацІал дархІусса цайми элмурдугу. Вай гъарзат душваран кІулну дикІан аьркинсса затру дур. Жул шикку дуклакими махъ ппурттуву чан хъунни, Теологиялул институт тивтІуну тІий. Тикку дуклакминнаца диплом ласун, хъинну куртІсса кІулшивуртту ласун бюхълай бур.

«Дараччи» ттун хъинну лявкъуссар. Шиву хъинну хъхъичІунсса, ххуй-ххуйсса, уздансса, миллатраву лахъсса хІурматрайсса душру-хъами бур. Ми мукун цачІунну, цаннил чІарав ца бацІацІаву Марияннул биялари. Мукунсса душру цила лагма лаган бувну, миллатрай дакІ цІуцІаву дуллаливу ттун танийва бувчІуна. Жулмур обществалувугу так душру-хъами бур. Жула диндалул уссурваврал жун лахъсса даражалийсса хІурмат буссар. Лакравугу хъинну гужсса аьлимтал бивкІссар. Буссар: Щайх-Жамалуттин, Сайпуллагъ-кьади

ХІАМИС

Цадакъа – буржри гъарцагу бусурманнал. Агар дакъахурча каши, дувача мунал ххуйсса давуртту, оьккимуния арх хъун ача, му мунал цадакъари.

ва м. ц. жун бур мукун ххуйсса, ххисшала бакъа гужсса аьлимтал бусса миллатрал душварангу диндалухсса ччаву рутан ччай. ЖучІа дуклакисса 150 инсанная так 2 лакку душ бур. Ттун му хІисав кьахъунссия, цимийлагу жучІанма жагъилтал ягу миннал мачча-гъан бувкІун, лакку душругу бузив тІий цІухху-бусу буллалийни, на преподавательтурахъ цІуххара. Му иш «Дараччул» кумаграйхчин баххана бан ччива. Иншааллгъ, умуд бур дахІаву гихуннайгу дансса. На Хъусрахъ мизит

титІлатІийни кІий буссияв. Уттигу зананна цаймигу Лакрал, Ккуллал районнал шяраваллаву. «Дараччул» мавлуд даву, цаймигу ярусаннал обществардан ххуй дирзунни. Жугу данну тІий бувкІан бивкІунни. ЦІуллу баннав ва цинявпагу «Дараччул» душру-хъами. Миннал дуллалимуніцІун Заннал кабакъинав!

Яла ттул гъалгъа хъуна кіивагу лакку душварал: мавлуд ккалай бивкІсса Саида Аьлибаговашал ва Саида Сагидовашал.

### Саида Аьлибагова:

– На бура ДГУ-рал юридический факультет къуртал булла. Ттун ихтияду дуруччаврил органнахсса гъира чивиния шинмай бия. Чивиния шинмай ттул назмурду личіи-личіисса кказит-журналлагу рищайссия. «Муслиматравун» занай ттул хъунма хІал кьавхъунни. КІива зурул мутталій ва бачІи Кьуръан буккав. Ттунма гъира бушивруцІух, ччяни лахълайгу бур. Гъарца кѳини тикрал булла, правиларду лахълай бикІара. На кІилчинмур сменалийн занай бура.

### Саида Сагидова:

– На ацІулчинмур классраву дуклай бура 14-мур школалий. Дарсирайн хІиджабраву занан кьабитлан бикІара. Учителтал рязи бакъа бикІай. Ттун исламрах гъира чивиния шинмай бия. Ниттил «Муслиматрая» кІул бувну, ттунгу занан маслихІат бувна. Ттул мачча-гъанми дин-чак дусса бур. Нинугу, вайми маччамигу так чІарав бацІай бур.

Аллагънайн щукру, ттун муния хъуннасса ххаришивугу дур. Школа къуртал бувну махъгу исламрал кІулшивуртту ласансса пикри бур.

ИДАВСТУРАЛ ❁ ОБРМУРДАЯ

# Мухаммад Идавсил ﷺ обрмулиятуса суаллу

**1 « – Цукун аьлааматсса ишру хьанай бикссар Идавсил ❁ ккукулул нину Халиматлуцал, Идавс ❁ мунича усса ппурттуву?**

– Халиматлул кьатлувун барачатшиву дагьссар мунил Идавс ❁ хьуна уллалисса ппурттуву: мунил ккукурду наклил бувцунува бивкссар; ичлаллил хлайвант буч хьуссар, миннулми наклу чяру хьуссар; мунил тухумравасса цу-унугу кьашай хьурчагу чивисса Мухаммадлул хьин айсса ивкссар. Му ппурттуву малаиктурал Идавсил ❁ хьазам киххябуккуну мунал кьюк марци дуккан дурну диркссар.

**– Идавсин ❁ ккукку буллуминнал царду учара.**

– Идавсин ❁ ккукку буллуссар мунал ниттил Аминатлул ва ккуккубулултрал: Сувайбатлул, Мунзирдул душ Хавлатлул, Умму Айманнул, Халиматлул (Саадлул агьулданиясса), Аьтикат царду дусса шанна царссанил.

Яла чявуну Идавс ❁ ккуккулул наклил увмур Халиматри. Мунил ужагьрайн барачат ливкссар. Мухаммадлул Идавшиву ❁ ликкайтту, Халиматлул Ислам кьамул дурссар. Халимат Идавсичан ❁ бувкुकун, мунил хурматран Идавсил ❁ цятура хялат лирккун, му щяв руртун, хялатрай щяриртссар ккуккулул Нину ва чявусса ссайгьатругу буллуссар муни.

**– Идавшиву ликканнин Идавс ❁ яттихьучушиву дулла иклаврил аькылшиву ссавур?**

– Цалчин, Идавс ❁ захимат буллан ххирасса ва захиматшивурттая нигьа кьаусайсса ивкссар.

Килчин, АбуТалиб чаласса буллали кьауваншиврул, Мухаммадлул ❁ цанма букансса ччат цанма лякьлан чан бивкссар.

Шамилчингу, инсаниятран исламрал ххуллу ккаккан буву уваннин, Аллагу-Тааьланал цал Мухаммад ❁ заэвсса яттил ялув ивтссар, мунал дакниву яттисса язугьрал асарду чантI увкусса кунма, инсантурайгу рахиму-цими бусса хьуншиврул, миннангу цимилий ккаккан булланшиврул исламрал ххуллу.

**– Буцара мисал, Идавс ❁ жагьилнийва Аллагу-Тааьланал кьаххуйсса тлуллая махьаллил хьун увшиву исват буллалисса.**

– Оьрчнийва Мухаммадлул ❁ ккавкун кьаччисса бивкссар кьанчру, идолтал. Мунал тачлав кьунчурдийн хьва кьабайсса бивкун бур, ми кьунчурдил савлугьирттан дуллалисса байраннайгу гьуртту кьашайсса ивкун ур. Яттил ттурзангу гьалмахчувнайн тапшур дурну, мукунсса байрамиртай гьурттушинна даншиврул Маккалив гьан кийла сукку хьуну ур Идавс ❁, кийлагу Маккалив ияннина шанан ивну ур, байрамиртайгу гьуртту кьавхьуну ур.

Хишала мунал мукунсса байрандалийн агьансса хларачат кьабувну бур. Идавшиву дулуннингу, дуллуния

мукьахгу му щялумуния ва кьаххуйсса тлуллая мурахас увну урувчуну ивкссар.

**– Бусияра Мухаммадлул ва монах Бахирал дянив хьуну бивкмуния.**

– Мухаммадлул ❁ ацния кира шин шайхту, Абу Талиблун дакниин багьссар кьурайштурал машлул чарвансарайлуцал Шамлив (Сириянавун) гьан ва уссил арсгу цащала увцуссар.



Миннал чарвансарайлул Бусра тлисса (Сириянал кьиблалийса) шагьрулия арх бакьа ликказан дайхту, минначан гьан хьунссар Бахира ца дусса ххачпараснал цанихсса монах. Мунал чарвансарайлуцал бувкминнал лагмагу увккун, Мухаммадлул ❁ гьан хьуну, мунал кагу чаламунивун ларсуну, увкуссар: «Ва Ялувманал Илчири, ил-аьламрал Паччахьри!» Инсантурал цувххуссар: «Вин му чла клулли?» Мунал жаваб дуллуссар: «Ва зунттавуонсса ххуллх ханини ванал хьхьичI лахлай, икрамрай бия чартту ва мурхьру, миннул икрам бувайсса анжагь идавстурайнини.

Му бакьассагу, кьукьухьхилул ккунураксса идавсил мугьру бур ванал ттиликрах, хьачунттал ялавайнуну. Мукунсса мугьру так идавстурай биклайшиву клулли жунма жула луттирдава».

Укунгу увкуну Бахирал Абу Талиблукь, «ва оьрчI вин цу хьанайссар?» куну цувххуну бур. Муналгу «Ттул арсри» куну бур Мухаммад ❁ цана арс куна ххирассагу унутий. Монахнал микку увкуну бур: «Ва вил арс аьсар. Ванал ппу сагьну аьсар».

Абу Талиб мукру хьуну ур: «Му ттул уссил арсри». Бахирал увкуну бур: «Ина утти тлайла. Вила уссил арснацал занахьу шавай. Ява му ягьудиная уручча. Аллагьнайн хьарашав, агар ягьудинан му хавар хьурча, ттун клул хьумур миннангу клул хьурча, ми мунал оьбала-зарал буванмунихри луглан.

Мяйжаннугу, вил уссил арснах бьхттулсса даву ялугьлай дур. Анавар укку мунацал мунал билаятрайн!»

Абу Талиблугу анавархьиндарай машлул давурттивгу кьуртал дурну Сириянаву, Мухаммад ❁ Маккаливнай увцуссар.

**– Бусияра Идавс ❁ Ялувманах цукун эбадат дулла ивкссар, цахьхьунна идавшиву дулуннин?**

– Идавшиву дулуннин Мухаммадлул ❁ Ибрагьим Идавсия нанисса диндалул эбадат дулла ивкссар. Аллагу-Тааьланайн иман дирхьуну, Кланайн дуаьрдай (зикрирдай) ивкссар.

**– «Дар ан-надва» ссайн учайссар?**

– «Дар ан-надва» аьраб мазрай «Мажлисирттал кьатта» тлиссар. Му кьатта бувну бивкссар Килаблун арснал Кусайл. Му кьатлуву маккалал агьлу батлайсса бивкссар дявирду баян буван ягу дакьаву дан, бьст-ччаллийсса масьалартту чачулхун бутан. Маккалал агьулданул бакчитал му кьатлуву чачун бавтлуну, цухху-бусу бувну маслихат ккаккайсса бивкссар. Му кьатлуву маккалал агьулданул ташурдугу байсса бивкссар.

**– Идавс Шамлия (Сириянава) зана хьуну нанисса чумал Хувайлидлул душ Хадиджатлун ци аьлаамат ккаркссар?**

– Идавс ❁ Шамлия занахьуну нанини Хадиджатлун хисав хьуссар мунал ялтту ттуруллал хьа ливчуну Мухаммадлул ❁ ххют дагьанну.

**– Бусияра Идавсил ❁ Хадиджат царну буцаврия.**

– Хадиджат бивкссар Маккалив ца яла сий думур, хурмат лаваймур ва марцимур хьамитайпа. Мунил тухумгу бусравсса бивкссар. Муниинингу Хадиджат кийла цар хьуну бивкссар. Му цацарну личайхту муничан мугьисалт гьан булла ивкссар авадансса ва сийлийсса инсантал. Му рязий кьахьанай бивкссар. Мухаммадлул тлайлашиву ва аьдилшиву чалай, Хадиджатлул Мухаммадлул цила чарвансарайлуцал Шамлив (Сириянавун) насу увкуссар дахху-ласуллу иширттай. Килийнугу багьагу булунна увкуну. Мухаммадгу Хадиджатлул ичува кьазахь Майсарал лавгссар Шамлив, му аьрххилий мунал тлайлабацу хьуссар, муналгу ялун дуркмур тлайлану Хадиджатлулхьун дуллуссар.

Цайми чумалнир та базилух хайр хьуссар Хадиджатлунгу, мукунсса иширарая гьарма ххари шайхха.

Кьазахь Майсарал бувьссар Хадиджатлулхь Мухаммад бьхттулсса мяьрипат-адаврал заллу ушиву. Хадиджатлун Мухаммадлул ччаву хьуссар ва дулаласса душваврава ца гьан бувссар таначан цуппа царну буца учин. Мухаммадгу рязи хьуссар, бувьссар буттауссурваврахь цува Хадиджат буцин ччай ушиву. Хувайлидлул душ Хадиджат хьанахьиссар Идавсил ❁ цалчинмур кулпат. Му царну буцайни Мухаммадлул диркссар 25 шин, Хадиджатлун тлурча – мукьцалла шин.

**(Гихунмайгу буссар)**

**«Диндалул гьанурду ва Мухаммад Идавсил оьрму суаллаву ва жавабирттаву» тлисса луттирава**

ХИРАИС

Винма  
кьаччимур,  
цаманангу  
чла маучара.

ИСЛАМ ВА ЭЛМУ

## Диндалул ва элмулул дахлаву

Чярусса шиннардий атеизмалул пропагандалул диндалийн кьарцисса даву дачин дурну дия, хаснува исламрал чулухунмай. Ашкара дуллай бакьяя бусурманнал аьлимтурал дурсса давурттив; математикалул, астрономиялул, оптикалул ва цаймигу элмурдал цушиннарду. Математикалуву бусурманналли алгебра хласул дурсса. Аьрабнал цифрарду ишла дуллай буссар хлакьинугу Европанаву.



Цайминнаяр хьхьичI бусурманналли бувсса атмосфералул утташиву дуцинсса хларачат. Чурхаву оьтту шуруцаврил система члалачи дурссар аьлимчу Ибн-ан-Нафислул.

Математикалийн чул бивщуну Санад-Алил тасттикь бувссар аьрщи бургьияр члиришиву ва зуруяр хьуннашиву. Кьурьанналуву ккаккан бувну бур ниттил лякьлуву чиви оьрчI цукун хьун хьанайсарив. Англиянал аьлимтурал члалачи бунин гьантлун ххуйла бувсса чаклил хайр бушиву чурххан, йогтурал дуллалимунир.

Ломоносов тий ур: клива лу буллуну бур Аллагнал: ца – члалачисса дуниял, цагу – диндалул лу.

Аллагьнайн мукрусса бивкун бур машгьурсса аьлимтал: Ньютон, Паскаль, Кеплер, Ломоносов, Менделеев, Циолковский, Павлов, Вернадский, Филатова, Берг.

Диндалул ва элмулул дахлаву душиврул хьуннасса агьамшиву дуссар.

Сафия БАКРИЕВА

## ИСЛАМ ВА МЯЪРИПАТ

1 «

Патимат ХАМЗАТОВА

## Аллагнайн щукру бумур, ягу иблислуйн мютИий хьумур?

**Гьарца хьуннасса даврил хьирив буссар хьамитайпа.  
Урча каних оьрчал клану гьуркку баймур,  
Куя каних – щалла Дуниял.  
«Хуйми хьами буххантиссар Алжаннуну.  
Хуйми арамтуннаяр хьхич!».**

Чявуну булай ттухьхун укунсса суал:

– На чак буллаи буре, зума дугьара, щинкуй къаччан биклан къабара. Ссан аьркинссар, ялунссаннун, карцигу рутлан, янналувугу лабиклан?

На жаваб дуларе – хьаннин мукунсса янна лаххаву Аллагнал амрури, ва му амру тайлаассар ягу къатлайлаассар тун жунма къабаглагиссар. Амма мукунсса амру къамул буллаи хьаннин захиатну бур. Миннай аьй дувангу къашай – ялапар хьанахьими аьрал бакьар, жувагу аьскар бакьару. Укунсса амру къамул бан аьркинни дакнихтуну. Бакрайн карци рутансса хлукму бувсса чумал, на телекомпаниялий зий буссияв. Муния шиннай хьуннасса чун ларгунни. Телевидениелий зий, хьхичира-хьхичисса кьини ва булай буссияв «Ужагъ» («Очаг») тисса журналдануву Исламрае, чансса бунугу бувсуссия бусурман хьаннин оьрмулия. Хьунабавкьун мадрасалуву дуклакисса душваращал, бувсуссия гайнащалсса ихтилатрае. Телевизорданувух бусанмур хладур бувкун, баглай бия бусласисса нагу ккаккан буллаи. Му чумал, ттул нинугу, ппугу хлажлия зана бивкун буссия. Гай ххари баншиврул, на лавххуссия лахьисса, чурх бахьлагисса гьухьа ва бакрайн руртуссия карцигу. Ттул дустуран ххуй дирзуна на лархсса янна. «Ххуйсса зунттал душ хьунни вияту», – увкуна гайннал.

Мадрасалувусса душваращал клул хьуну махь, ттун ччан бивкунна гайнащал цуница хьуна бавкьун, гайгу телестудиялин буцин. На бувцуссия Дагьусттаннал Хлукуматрал Университетрал социологиялул факультетрал студентахьул. Гай душваралгуларххунагьжабру. Тачумалла на клул хьусса Дагьусттаннал цалчинма муфтийнащал Сайидмухаммад-хлажиннащал (Аллагнал цай рахлму баннав). Таний та муфтийну акьассия. Ганал цувххуна ттухь: «Вил мурад цири, мукун душваращал хьуна бакьлай, минная булай?». На жаваб дуллуссия: «Инсантуруву бур мукунсса пикрикарци руртусса душ – му кьарчл бивкисса, махьун багьсса, рухл дусса задри, ттисса (ми диркиссар 90-чинсса шинну). Ттун чай бур инсантурун ккаккан бан, мукунсса пикри къатлайласса бушиву». «Ина циван буре миннахлу буклай?» – цувххуна ттухь Сайидмухаммад-хлажиннал. «Ттун чай бур ккаккан бан гай ттизаманнул инсантал бушиву, ттунма бишин чай буре хлажабрачансса жегьир ххуллу». Мияжаннугу, ниттибуттал тарбия бунугу Исламрал тлалав буллалимур буручлай, байбихьулий ттунгу захиатну бия, цакуну лар-

# ХьхичИмахъ

сун, бакрай карци рутан. Мунияту на цайминнай, аьй дуллаи къабиклара, хьунабавкьсса, бакралгу ххуйсса, махьра-махьсса сийлувун дурхсса янна ларххусса исвагийсса душ ттун

хьаннихь, ялун ци-дунугу рутуну клуч шича, мий буручинтиссар кьукьал-дараяту».

Гьарца бакрал сагьсса царссанин ччиссар хлалимсса кулпат, оьрчлру, цила хлурмат баву. Цуппагу ххирану ххирассаннача ялапар хьанан. Му лякьин шайсарив кличираву, клул бакьасса арамтуннал нач дакъа-сса яруннил хьхичл? Нигьа мабусару, буларе ва суал зухьхунма зула. Цаппара бур цалва цивпа хьаврин буллаи ттултисса: «Укунсса янна на



члалан биклай хьинну иминсса муьмин душну, Аллагу Тааьлал увкумур къамул буллалисса, иншаАллагу!

Дакнихтуну бусанна, ттула яннарду даххана дурну махьгу: кутламиннул кланттай лахьими дурну, члалачисса кланттурду бурувххуну, ягу цидугу эьки дирчуну, ттул тамансса хлал хьуна цусса янналин вардиш хьун, на талай буссияв ттула дакнин ччимунисчал. Кьаклулли, га щяйтлан бивкиссарив, амма ттул жигьад кьуртал шайва ца суал буллуну: «Ина щил цаний буре мукун зий, цу ур вий гуж буллаи?» Жавабгу диклайва ца: «Так ца Аллагнал цаний». Та чумал на дахьа лахьлай буссияв Кла ххира хьанан. Кланалу на данссия гьарзад, так Кла рязий ансса.

Тамансса захиатну бивхьуссар, ссавургу дуллуссар ттун ттул рувхланийсса маслихлатчинал-щайхнал, га акьассания ттуца кьахьунссия му ишираву ххув хьун.

Ци кьютл буллава, на махлрум хьуну личлара, ттувану бакьа тамаша бара ттучланма гьан хьанахьисса, бакрал ххуйсса, сий дуну янна ларххусса, устарну лажиндарай дугьанугу дурну, клизгу лавкьусса душний.

Га буссар цуппа бакрал ххуйсса бушиву клупну, бакл гьаз дурну най. Ганил хьирив махьунмай клура баллалисса циксса бакьар? Амма ттун ганий дакнихтуну цими хьанай бур. Цинмавагу кьаклулну, ганил цинма танмихл буллаи бур, циятува авчинал давла буллал буллаи бур, гьарца хьуна авкьманан заллу хьун ччисса. Амма гьарца хьуна авкьманал дакьар мукунсса тарбия, га аьнткашиву аскикьукьин къадансса, куку-кутла къадансса, ганица бьухьлай бакьар цила цуппа минная буручин. «Я Идавс! Уча вила хьаннихь ва вихьуниннал

ттунна лаххара, ттун ччан биклай нава ххуйну члалачаву». На вих хьувияв, агарда мукун учирча къатлв ци-дунугу ларххун буккайсса душнил, яла шаппай бувкुकун, ларххун ххаллилсса яннарду, арцу-мусил ттеркьукьивгу, дурну тлааансса кьанкьругу, щябиклай бухьурча дагьанттул хьхичл цуппалу, цихва цуппа, цила ххуйшиврух буруглай. Амма къабиклайссар мукунсса хьами, кьаклулли, бьухьай ца-ца биклан.

Хлакьсса бусурман царссанил, шариатрал кьанунну дуручлачисса, дайссар мукунсса даву так цила ласнан, мунихлугу ганин буссар дара-

## Сахаватшиву – Алжаннул агьалийнал хасиятри

жа. Бьухттулсса Аллагнае ва Кланал рязийшиву. Кличиравугу га буссар ххуйну члалай ва дак дарцуну, цуппа ляхьан бувманал амрулия къабуклай. Ягу зу рязий хьанай бакьарув, агарда лахьисса, бавкьусса гьухьул ялтту рутарча карци ягу шарп, гьухьуха лархьхьусса, иминну ва даркьуну члалачисса?

Зу учинссар, ссан аьркинссар ваксасава чявусса гьалгьа буллаи ялун члалачимуния, агьаммур вивсса мяьна дурхха ялттувассаннуяр. На муний кьарязийра, цан чирча, ххуймий инсантал – гай кьавкुकун Аллагу дакнин агьаймири.

Хлижаб ларххусса царсса ххуймур царссари, цу ухьурчагу рязий акьа ва иширай, мунаща кьахьунтиссар учин, ччайнугу къаччайнугу бусурман хьамитайпа кьавкुकун, Аллагу дакнин кьаагьайссар.

ХАМ

Цума урив  
цимилийсса  
Аллагнал ляхьан  
увманайн, мунай  
цими байссар  
Аллагу –  
Тааьлалугу.

Кланал амрулин бувнури га гукунсса, цамур куццуйсса бакьа.

Цила душмантал ккалли буллалини щяйтланнул, цалчинма цила душманни увкуну бур Мухаммад Идавсийн, яла душманни увкуну бур инсан, хьхьувай иззун чак байсса, яла царсса хьуну дур душман, шариатраин бувну янна лаххисса. Утти бувчлай бурив ци мяьна дуссарив янна лаххаврин? Масала бигьалагай кланттай, бусурман янна ларххусса царссанин зана бивкун буруглай буссар, гьан хьуну цугума цуххайссар: «Ина чара, мизитраварав, ягу цукунсса дунугу мазгьабрал инсаннав?» – куну. Буруглай буссар-аьжаивсса, дахханасса яла лархсса хьаннихь, амма цуклу акьассар учли акьа уруглай, ягу кутласа хлаллайсса клулшиву дан ччисса, муниллхха куку дайсса хьами.

Хлижаб ларххуну махь, ттун багьуна хьунмасса кьуллугьрайсса инсанначлан гьан. Чурттурдайх лавхьун най бунова, ттун хьуна бавкьуна клия адимина чурттурдайх ялавай нанисса. Клиягу ттул хьхичла тихунмай хьуна, каругума дуркьуна ттуин къашун. Гайннал суку-кьютлулу мукунсса хьунмасса хлурмат бия ттул чулухунмай, на барчаллагь учав Бьухттулманайн, нава укунсса янна лаххаврий. Ттул бивкиссания кутласа, жирттурду члалачисса гьухьа, ягу чикл учин дурну ларххусса хлажа (джинсы) ва майка, ттул пикрилий, мий арантуннал му тлул къаданссия. Барашиву дуллаи бур душварал чулухасса чявусса аьрзардал, цивпа бачли клачланугу занай бунова, цахва бучли бакьа арантал буруглай бур, ттисса. «Миннан ци ччиссар, бурхьни ттукри ххансар, чларах ита къабакьару», – тлий бур ца бакрал ххуйсса

душ. Ганин бувчлай бакьар, гайннал тарбия дакъашиву дакъа, ганий цийрагу аьй душиву. Га мютлий хьуну бакьар Хьунаманайн, Кланал амрулин, балжийну ккаккан бувсса, цукун буручин аьркинсарив аски-кьукьин баврия, ганил мий къамул бувну бакьар, ва бувчлай бакьар, мияжаннугу ци хьанахьиссарив. Бакрал ххуйсса царссанил чулухунмайсса мурдалсса ярунния, я ласнаща, я ярагьуннища, га щяцклул дуручин кьахьунтиссар, «...гайнал клучл бувача цивпа, мунилл гай буручинтисса оьккишиврия», ттисса мукьурттил увкумур барчанни, гай ххассал хьунтисса.

Дакний бурив, Совет хлукумат диркисса чумал бивкмур, хьами аьрхлал бацан буллалисса кьакруду? Арантуннащал аьрхлал, хьхьугу кьини-гу хьами бивкиссар станокрах, члатрацал зий бивкиссар. ►►

6 « Гъаз буллаи бивкссар хъхичлун бувкмий хъами, захматрал геройтал. Дяъви бакъасса чумалгу, мукунамасса иш бивкссар. Дакнин багъарча хъами нинухъругу бушиву, гай бикан аьркинну бивкссар нинухъулкъучагътал, ххюва-ацйва оьрч бусса. «Будущие строители коммунизма» цайнува цивпа хъуни хъанай бивкссар, нину, буттащал аьрхлал заводирттай, фабрикарттай зузисса чумал. Укунсса диркссар аьрхлал бацан баву.

Кулпатрал – «жяматрал кюрурал» дулайсса диркссар хлукуматран «къашархъусса дукра» (полуфабрикаты), яла гай хладур байсса бивкссар комсоргтурал, парторгтурал ва м. ц.

Чунну даххана хъуну дур, амма гъаксса хлайпри, хъуна бакъай Исламрацлун къабавкъусса кулпатру – лас цичлав къадуллаи цяивкун, щарсса чил хлукуматирттайх хъус лякълай заназисса. Мукунамасса кулпатирттава къабуккайссар агъалинан мюнпат бусса инсантал. Хъхичлава оьрчру тарбия байсса бивкхъурча партиялун, утти тарбия буллаи бур наркотикирттал, автоматирттал туркюрдал, гъарца мурциний дахлай бур, ласлайгу бур пиво, хлантту, плагрусру ва м. ц. Ци хъинни? Рух дакъасса коммунизмалун хъусру, ягу ВИЧ-лин уцлацисса наркотикирттал лагъ, зуначи, аьсивну оьрму къуртал бантисса?

Ислам – хъиншивур. Мубараксса магъарданул цачлун байссар кулпат. Гъантлун ххюва чак байсса къатлуву, ппу – кулпатрал хъунамари, ганал дувайссар къатнил залушиву. Ниттил кумаг байссар буттан кулпатрал ттарцл хъун, ганий буссар кулпатрал паракъатшиву дуруччаву. Ганил тарбия буллайссар оьрчру ва рувхланийшивруву хъуни буллайссар. Агарда нину духъурча оьрчал гъарца къини оьрчал ялув дарцуну, лахъхин ци ххуйссарив, ци оьккиссарив, гайнняя къахъунтиссар къачагътал, оьттулчувтат, агъалий мурдал буллайми. Укун бухъукун, гужсса, аькълулий зузисса, паракъатсса хлукуматрал гъану хъанай бур низам дусса кулпат. Низамрив дузал дан хъунтиссар аранталсса арантунацца ва хъамисса хъаннища.

Хъами гъаз бувну буссар Исламрал хъиннулахъсса даражалин ва гичча буцан цинкълуй къачантиссар. Кла даражалия тлайланма Алжаннунун багъаншиврул хъаннил банссар гъантлун ххюва чак, зума дугъанссар Рамазан зуруй ва шаймур банссар цила лас циятува рязий ан.

Бусала бур, имам Шамил ца-ца чумал аьтлий иклайсса ивкун ур: «Ттун ччива нава щарссану лявхъуну, так ласнайн мютлий хъанай Алжаннунун агъаншиврул».

(Гихунмайгу буссар)

АЪРАЙГУ — АЛЛАГЪ ДАКНИЙНУ

# Аърай ливтѳуцириннал аьпа баннав, уттаваминнахъхъун цѳуллашиву дулуннав!



Буттал Кланттул цѳанийсса

Хъунмасса дяъвилул майданнай лакрал миллатрал дянивату жанну харж дурну дур сайки ххюзаруннича ливчусса инсантурал. Жува цинявпагу буржлувссару миннал аьпа учаван. Муницѳухва жува буржлувссару аьрай жухлува талайлитллай бивкминнал цѳардугу хъама къадиртун, хлакьину жула дянив уттавану буминнал къадру бан. Фронтовиктурал марцѳну ядурссар ххаллилсса буттахъал цѳарду, лахъсса даражалий, бусравну оьрму бутлай. Зун цѳуллусса, лахъисса оьрму булуннав, зу дурсса къучагъшиву личантиссар тарихраву абадул абадлий. Я Раббий, я Аллагъ, укун ххувшавуртту ласлансса къинирду къадукуканнав я дугъусттаннал, я щалла дунияллун агъалинайн. Ялун ххуймур, хъинмур бучланнав!

Редакция

**Дяъвилий чувшиву дурсса, захматгу бувхѳусса Оьмар-татта**

Кѳулушацлрал шяраватусса Камалов Оьмардул 1941-ку

шинал июль зурул дайди хъулий, цала ссурахъул арснащал Мусанащал военкоматрайн лавгун аьрзарду буллуну бур, хушрай аьрайн тлайда буккира тлий. Гайннал таякъю къамул бувну военкоматрал киягу жагъил тлайла бувкун бур Буйнакскаллал бахъттагъалтрал хлаписартал хладур байсса училищелувун. Му къуртал байхту 1942-ку шинал февраль зуруй лейтенантнал чингу дуллуну Оьмар цал тлай-

Гъаннайсса, аьрая зана хъуну ур ччангу аьрай къабивтун.

Апрель зуруй тланул ччаннащал буттал шяравун зана хъусса Оьмар зун ивну ур цал колхозрал счетоводну. Бакъасса ччаннащал Киров шагърулийн къалайчишиву

## Ватандалухсса ччаву – диндалул бутлари



ла увкун ур Сталинградуллал аьралуннал округрайсса Елан тисса шагърулийн, гиччагу цѳуну буккан бувсса, танкардайн битайсса ярагъ ишла бан лахъхайсса курсирдайн.

Аърай Батайскаллал станциялий хъусса талатавриву урчѳамур ччаннайн цѳалцѳилул

дуллан лавгун, тиккува лавхъхъун бур ссяткарнал пиша. Гъаннайсса, Нальчикрайгу, Гъумукгу бусса оьрмулунун ссяткарну зий ивкун ур ва Къура шин Нальчикрай ссяткаршиву дуллаи гъан дурсса ваяна казит-журналлай чивчуну бур Оьмардул карун-

## Инсантураву ххуйми цайми инсантуран хайр буваймири

касак щуну цаву дирну дур. Санчастьрай ччаннайн дирсса цаву хъин шайхту цала батальондалувун кѳура авну ур.

Ростоврал цѳанийсса талатавривугу ванайн гужсса цаву дирну, шамма барз хъуну бур Красноармейск тисса поселокрайсса госпиталданий хъин хъанай. Хлакинтал бивкун бур мукунамасса цаву дирсса аскартал жу шаппай итабакъайссар, шавай насу инагу тлий.

Душмантурал ивкѳусса уссихлусса си лахъан увара тлий, мютли ан къавхъуну ур. Миус тисса нехачласса талатавриву цѳунилгу ванайн цаву дирну дур. Миналий ччан бивзун цѳуцѳалттул щала цававри увну ур. Къунуцлун биянин ччан къукьин багъну бур.

нил магъиршиврия, мунал цайми ссяткартураща дан къашайсса давурттив дувайшиврия. Ванал каруннил пагъму-гъунарданул барашинна дуллаи дур ичѳурасса къай-къуйлул: кѳилчинмур зивулийнсса тланул чурттуя тлайла хъуну, цимурца ванал цала дурсса дур. Къатлул ца чѳирацѳлх бусса пач кунмасса каминдалул лагмара дирхъусса дукнилия дурсса эмаратсса накъичру дусса хлашия ххишала бакъа каруннил усттаршиву ва магъиршиву дусса инсаннаца бакъа дан къахъунссия. Цайми ссяткартураща дакъин дан къашайсса ссятру дакъин дайсса Оьмардул усттарну цала каруннил дурну дур хъуннасса чѳирай лахъай

Мадулларду цайминнал диялдакъашивуртту члалачи, хаснува ми зуйрагу духъурча.

ссятгу. Цѳуцлав вих къахъунссар оьрмулул угъарасса, ца янин бувагу чани бакъасса, ца чангу бувагу бакъасса дяъвилул инвалиднал гукун эмаратсса затру дуванссар тисса пикри.

Хлатта скрипкагума бувну бур ганал цала карунних.

Ххалилсса ссяткар, ххаллилсса усттар мудангу хъуннасса къулагъас дуллаи ивкун ур аьраб маз ва исламрал элму ххуйну лахъхъаврих. Ванал ужагърай цѳикссагу бур Къуръандалийсса аятру ва исламрал динналул хлакьиравусса чичрурду цала каних дурсса таптарду. Ванал щала оьрму рувхланийсса ххуллия хѳура къавхъуну буттун бур.

Халкъуннал учай: «Ласкъатлул ялун ларкъусса магъири, щарсса му магъи дургъусса чѳирттури» – куну.

Ччаннацла хъусса ласнал чѳарах, га жергъ къаучин чул бищунсса ттарцѳунугу хъуну, шамма лякълул оьрчалассагу бувну, оьрмулунун чѳявусса бухху-букку бусса къатлулссагу бувну бур ва уттигу буллайнама бур Оьмардул кулпат Барижатгу.

«Барижатлул оь къинигу, хъин къинигу, ттуцлун дакѳ тлайлану хъар дархѳуссар. Ялагу ттул лажиннарайн бавацѳусса цавагу оьрчл къавхъуссар. Гъай-гъай, мугу оьрчал ниттил гъунарди тиссара на, – тлий ур Оьмар-татта. – Цуксса цѳийнугу, ппу цуксса ххуйсса унугу, оьрчру ниттичлан гъанну биклай. Вихъва тлайламур бусан, жул кулпатраву маслихатрайсса бакъасса ихтилат къабивкссар».

Буниялттунгу, ххаллилсса, куннал куннах ччаву дусса, куннах куннал хѳурмат байсса наслу бивзунни Оьмар-таттая.

Гъарца инсаннал цала дакнин лавхъхъусса бутла булайссар Аллагънал тисса калима хъинну тлайласса духъунссар. Яхѳу, къириятгу дусса Оьмар-таттал киягу арсгу, душгу, минналми оьрчѳругу цахра вичи дирхъусса, цала хѳурмат бусса, мудар миннал ялату ша къабукъайсса бур. Мукунамасса оьрчру бушаву бакъарив нитти-буттал члати талихл, барт лавгсса мурад?

## СУАЛ – ЖАВАБ

– Ттул ниттин ца дур Анжелика. Цаппара шиннардил хьхичи ниттил цила ца даххана дурну, Аминат тисса ца дирзуссар. Ниттил Исламрал цинярда кьанунну щаллу дайва, ца даххана кьадарчагу му укунмагу Исламрал ххуллийх наниминнаву дия. Дуссарив чарабакъашиву ца даххана давриву?

– Нитти-буттал буржри цана оьрчи-душ байхту, цуну увманан (бувманан) бусурман ца дизан. Мунияту Ислам кьамул дурсса вил ниттил цила ца бусурман цаних даххана дуваву, гьакссагу тлайласса даври.

– На квартиралий яхъанай ура, жучи шаппа ккачигу буссар. Бучииссарив ттун ккаччи бусса кьатлува чак баван? Бучииссарив ккаччи шаппа ябуллан?

– Вин бучииссар ккаччил ххунххумати кьавшусса ягу мунил иттисса бурчу кьалавсса кьанай чак буллан. Чарабакъашиву дакьахурча ккаччи ябан кьадагьа дуллалиссар Исламрал. Ккаччи ябуван ихтияр дур хлухчихь, авчинахь, ягу шьраваллил зума-кьирагьрай яхъанахьисса инсаннахь, мунал хьуслийн кьаралчи аьркинну ухурча, ягу цайми хлсавравун ласунсса, ккаччи ябаву багьшласса клантту бухурча. Квартирардай ккаччив ябуллансса чарабакъашиву дакьар.

Идавсил ❀ хладис бур, ккаччи бунал кьатравун малаиктал кьабуххайссар тисса.

– Бучииссарив алкоголь дакьасса пиво, квас хлачан?

– Бучииссар, ми хлачиярдаву спирт дакьахурча.

– Бучииссарив бусурманчунан ниттил фамилия ласун цанна, аганаки мунал нину-ппу ччянива личи хьуну бухурча, буттал оьрчи хьун аврих, тарбия аврих цукунчавсса кьулагьас дакьахурча ва оьрчал ппу бусурманчу акьахурча?

– Оьрчал ппу диндакьу ухурча хьиннува ххуйну бучииссар оьрчан ниттилмур фамилия ласун.

– Аганаки нину-ппу на хлакьсса бусурман душ шаврийн кьарци буклай, диндалул эбадату, чакру бан кьабитлай бухурча, аьркинссарив ттун нитти-буттал тийкун кьуццу тун? Укунсса тагьарданий на цукунни Аллагьнайн эбадат дуллантисса?

– Мукун бухурча, бучииссар диндалул ишираттаву нитти-буттайн мюти кьахьун, амма цайми иширттаву ялувссар вичи дихьин. Амма нину-ппу кьатлайлахурчагума миннайн дяван, минначал бястру буллан кьабучииссар. Кьаххуйссар нитти-буттан ци журалий бухурчагу кьаччан биклан баву.

Нитти-буттачал кьалмакьаллу ва тлаьндакьашивуртту кьахъананшиврул, ина минная кьютлуну чакру буллалу.

– Ттун бавни Кьурьандалул луттирар лахьну анжагь ччатри бишайсса тий, тлайлассарив?

– Кьурьандалуяр лахьну цичлар дишин кьабучииссар, хлатта ччатгума.

– Агар лас кллчинмур шарсса дуцин чай ухурча, мунал чара бакьа цалчинмур шарссания ихтияр ласун аьркинссарив?

– Ялувсса Аллагьу-Тааьланал ихтияр дуллуну дур бусурманчуннахьхьун цал архлал мукьра шарсса дуцин, агар мукьрагу цакуцну лашу-щаллу дуван шайсса даражалый ухурча. Кллчин шарсса дуцайнирив адаминал бурж бакьассар цалчинмур шарссания рухсат ласун.

– Мавлуд та дурну хьинссар?

– Мавлуд – му Идавс ❀ лахъа-хьун увавур, мунияту мавлуд ччимур члумал дан бучииссар. Хьиннува хьинссар мавлид Раббьоьл-аввал зуруй дурну. Мукунма ташу байни, чивитлу увний дурну хьинссар. Аллагьу-Тааьланал цукунсса бунугу бала-апатраца урувчуний ягу хьиншиву хьунийгу дурну хьинссар мавлуд.

– Ттун пенсия багьлагьиссар, на захиматну кьашавай ура, амма арцу кьадуллуну пенсия бихьлай бакьар. Пенсия бишиншиврул лултурасса дулаву бунагьсарив?

– Цал мялум буванну: цир лултурасса курдара? Лултурасса му дур тлаймур щялу баншиврул ягу щялмур тлайла баншиврул дулаймур. Мунияту багьлай бунава вин пенсия кьабихьлай, бишинну арцу тлав дуллау бухурча, ина дуллалисса арцу лултурасса кьахъанахьиссар.

Амма ми арцу ларсманан хларамссар, арцу кьадакьинтиссар.

– Бучииссарив суратру ришлан, суратру дакьин дуллан яни реставрация дуллан ва фотоателье титлан?

– Чявусса цухлан биклай суратирттал хлакьраву, рухл зумвсса затирттал суратру кьадагьассар тисса Идавсил ❀ хладисгу кици лаглай. Хладисравусса ихтилар ххот дуллалими затурдияр. Масалдаран, чарттая, гьайкаллая. Мукунсса кьадагьа диркьиссар, хьхичивасса уммат чарттайн, статуярдаин иман дирхьуну бивкун тий.

Суратирттал хлакьравури, миннул ххот кьадиклайхьукун, ялув кици лавгсса хладис суратирттайн кьабагьлагьиссар.

Хлатта Идавс Адам (аь. с.) Аллагьу-Тааьланайн лаизлай, миннарай ивкьиссар ялун буккантими идавстурал симанну ккаккан дува тий, Кланалгу Адам Идавсил миннат щаллу бувссар. Мунихлуну суратру ришлан, ми дакьин, цлудуккан дуллан ва минулсса буллалисса ателье титтин ихтияр дуссар, так му давугу шариаьтрал кьануннацун даркьуну нани дуван аьркинссар.

## АБИТУРИЕНТ— 08

## Дуклан буххан ччинан

Ххирасса уссурвал, аганаки зуву зула оьрчру бийкьу ххуллийн багьайривав тисса нигы духурча, наркотикир-ттахун, хланттихун ба-гьайривав, хьхьвай шаппай кьабуклай игров-вой заллаву члун гьан дуллангу биклайривав, нитти-буттал ва цайми инсантурал, хлурмат ба-кьасса, вяйливсса шай-ривав тисса нигы духур-ча, дуклаки бувара зула оьрчру исламрал клул-шивугу, тарбиягу дулай-са заведениерттаву: ин-ститутирттаву, мад-расарттаву, мизитир-ттавусса школардаин. Исламрал тарбия – му Аллагьу-Тааьланая ва мунал Илчиная нанисса тарбияр. Мукунсса тар-биялулли зул оьрчру оьккимуния байшун бан-

тисса. Мукун биклант-шиврийн щак-щуклийсса бухурча, хласул бувача исламрал клулшивуртту дуллалисса ва светский дуккаврил заведениерт-тал дуклаки оьрчал тлул-табиат ххал дигьин-са комиссия. Ми чара бакьа мукьру хьунтиссар исламрал заведениерт-тавуми оьрчал мяьрипат душиврий, ми кьаххуй-сса тлулахун кьабагьну бушиврий. Яла ххуймин-нун ккаллийссар тисса светский заведениялу-вийн исламрал клулши-вуртту ласаврил заве-дениерттавусса оьрчал тарбия ларайсса душиву мяьлум хьунтиссар.

Цал бунагьирттал аьпа баннав,

Кьурамухлмамд-хлжи  
РАМАЗАНОВЛУЛ  
вяьзалува



Ас-Салам-фото

## Рузнама

## ИЮНЬ

дни	утрен.	восх.	обе-денный	после-обед.	вечерн.	ночн.
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Зунттал районнай чак байссар 15 минутрал члалну.

**ДАГЕСТАНСКИЙ ИСЛАМСКИЙ  
УНИВЕРСИТЕТ  
ИМ. ШЕЙХА МУХАММАД-АРИФА (ДИУ)**

ДИУ объявляет прием абитуриентов на  
2008/09 учебный год.

Принимаются юноши и девушки, имеющие  
основное общее и полное среднее образование.

Поступающие проходят следующие испытания

- русский язык (диктант);
- комплексное собеседование.

Перечень документов, необходимых для поступления:

- документ об образовании;
- копия паспорта.
- фотографии размером 3 x 4 - 5 шт;
- Медицинскую справку Ф 086
- Прививочный сертификат Ф 156/у-96
- рекомендация от преподавателя религиозного учреж-дения либо от руководителя мечети (имамы), расположен-ной по месту жительства абитуриента.

Прием документов с 1 июня

Обращаться по адресу:

РД, г. Махачкала, ул. Дахадаева, 136  
(район Центральной джума-мечети). Тел.: 67-55-07.

## Учредитель

Благотворительный фонд «Путь».  
Газета печатается по согласованию и  
одобрению Духовного управления  
мусульман Дагестана

## Редакционный совет

Председатель редакционного совета  
муфтий РД  
Ахмад-хаджи АБДУЛАЕВ  
заместитель муфтия РД  
Махди-хаджи МУТАИЛОВ

## Редактор

Самрат ГОРЧАНОВА

Канонический редактор  
Сиражуддин КУРБАНОВ

## Корреспондент

Гумаюн КАЛЛАЕВА  
Сафия БАКРИЕВА

## Корректор

Патимат АХМАДХАНОВА

## Менеджер

Мухаммад ХИРИЯСУЛАЕВ

## Компьютерная группа

Асият ХАНОВА  
Ахмед МАГОМЕДОВ  
Гульнара АБДУЛАЕВА

Газета зарегистрирована Управлением  
Федеральной службы по надзору за  
соблюдением законодательства в сфере  
массовых коммуникаций и охране  
культурного наследия по ЮФО  
(г. Ростов-на-Дону).

## Свидетельство о регистрации

ПИ № ФС 10-6401 от 15 декабря 2006 г.

## Индекс 51390

При перепечатке ссылка обязательна.  
Набрано и сверстано на компьютерной  
базе газеты «Ас-Салам».  
Отпечатано в ООО «Дом печати»  
по адресу: пр-т Акушинского, 20.

Заказ № \_\_\_\_\_

## Сдано в печать 18 мая 2008 г.

Тираж 1700 экз.

## Адрес редакции

367015, РД, г. Махачкала,  
пр-т М. Ярагского, 128.

Тел.: (8722) 61-00-64.

По вопросам подписки и доставки  
обращаться по телефонам:  
по Республике Дагестан — 8-988-699-28-24  
по г. Махачкале — (8722) 914-222.

E-mail: info@assalam.ru;

www.assalam.ru